

دائرة مخصوصه

در سعادته باب عالی جو ارانده

محل اداره :

مسئله قلم

۱۳۲۶

خطار :

مسئله موافق آثار جدید مع المنوبه
قبول اولیور
درج ابدیه بن آثار اعاده او آثار

دین، فلسفه، علوم، حقوق، ادبیات و سیاسیات و بالخاصه کرم سیاسی و کرم اجتماعی و مدنی امورال دین و اسلام و دین بحث ایراد و هفتده بر نشر انور.

صاحب و مؤسسه :

ابوالعلا زین العابدین - ح. اشرف ادیب

آبونه بدلی

سنه لکی

ممالک عثمانیه ایچون	۶۵	۳۵	غروش
روسیه	۶۵	۳۰	روبله
سائر ممالک اجنبیه	۱۷	۹	فرانق

تاریخ تأسیسی

۱۰ تموز ۳۲۴

در سعادته نسخه سی ۵۰ باره در

قبیله دن مقوا بورو ایله کوندریلیرسه سنوی
۲۰ غروش فضله آلیر

عدد : ۱۰۲

۱۲ شبان ۳۲۸ پنجشنبه ۵ اغستوس ۳۲۶

در دنجی جلد

تاریخ اسلامیت

نام مستعارید در قنور « دوزی » نك تركمبه مترجم رسالته

فارسی رویه

— ۲۶ —

وقوعبولان دعوت اوزرینه ایرتسی کونی بالذات سرور دوعالم
« صلی الله علیه وسلم » افندیمر حضرتلری ابوطالب و سایر اعمام و اقاربیه
برابر خانه خدیجه بی اشرف بیوردیلر. حضرت خدیجه نك ده اقرباسی
حاضر اولدیلر.

ابوطالب حضرتلری ترجمه سی قصص انبیاده مذکور خطبه بلیغه
نکاحی او قویوب مشارالیه نك عموجه سی عمرو بن اسد و عمرزاده سی
ورقه بن نوفل طرفدن قبول و تصدیق حاوی خطبه لرله مقابله اولندی.
همان او مجلسده اون ایکی بچق (اوقیه) التون مهر معجل و مؤجل
تسمیه سیله نکاح مسعود عقد ایدلدی.

[بر (اوقیه) قرق درهم مقداریدر. بو حالده تمام مهر بشیوز
درهم شرعی آلتوندن عبارت اولور. برروایتده مهر اوله رق یکرمی
عدد کنج دوه ویرلدیکی مذکوردر. فقط بودوملر اصل مهر مسماه
عوض اوله رق ویرلمک احتمالی واردر. بعضی علمای سیر ایه آلتون
ابوطالبک، دودلرده رسول اکرمک کندی مانسندن اولمق اوزره
مهر تعینی اولمشیدی دیورلر.]

بوندن سوکرا جریان ایدن احوال تاریخیسه، زمان بعثه قدر
شرفباش سنوح اولان شئونات محمدیه کتب معتبره سیرده غننه سیله

تفصیلاً مسطوردر. مطالعه سیله تنویر دیدۀ ابتهاج ایدنلرک عرفان
واطمینانلری قات قات تضاعف ایتمکدهدر.

الحاصل محضا حضرت خدیجه نك عرض واسترحامی اوزرینه
بالکمز بردفعه یه مخصوص اوله رق رسول اکرم حضرتلری طرفدن
مشارالیه نك تجارت اوزرینه نظارت بیورلمق، یاخود ربح واقعت
برقسمنده اشتراک وقوع بولمق خصوصی « سیاح صفیه زنگین بر
قادینک خدمتیه کیرمک » شکله قونولوبده. بوضورتله شان نبوته
شایان کورلییه جک اجیر خالصق اسنادینه یلته نك - بوندن اول رعی
غنم طریقیه اجیر عاملق نسبتی کبی - اولسه اولسه بونلردن دهابویوک
افترالره، بهتانلره جرأت ایتدکلری تحقق ایدن دوزی و همپالری مقوله سنه
یاقدشق آلان حالات غرضکارانه دن اوله بیلیر.

بونلرک صابمش اولدقلری مسلك تزویر و سوء تأویل آثارندن
بری ده « اوقدر خوشنه کیتدی که خدیجه دست ازدواجی محمد (صلعم)
اوزاتدی » فقره عامیانه سیدر. بوققره یی درمیان ایتمکدهده مزبورلر
جناب خدیجه نك ازدواج محمدی شرف و سعادتیه نائلیت آرزوسی
محضاشکل و شمائل نبویه نك ظاهرینه باغلامش اولمسندن ناشی اولدیغنی
اشراب ایتک ایسته یورلر. حالبوکه بالاده و نائق قطعیه ایله اثبات
اولدیغنه کوره حضرت مشارالیه نك جمال برانوار محمدی، شمائل
برکزیده رسالتپناهیه اشتیاق و انجذابیه برابر - انبیای عظام حضرتانه
مختص اولان، غیری کیمسه لرده بولمسی عذیم الامکان بولسان کالات
سنیه یی تقدیریه موفق اولمش وبالذات کندی کوزلریله کوردیکی
واستخبارات موثوقیه استناداً جزم و تیقن ایلدیکی خوارق عظیمه
وعلامات جایله دخی عرفان و بصیرتی فوق العاده پارلامش اولغله -
ازدواج مسعوددن اک بویوک املی احراز سعادت ابدیه ایدی.

فقرة مزبورہ بی پروا وبلا حیا سوزلری آرمسنه قاتان دوزی بیلہ انطاق حق قیلندن اولوق اوزره براز صو کرا « فقط خدیجه عقل وعرفانجه زماننده کی قادیلرک کافه سنک فوقنده ایدی » دییه مشارالیه پایہ سنده عاقله وعارفه برقادین دنیا ده بولمادیغنی اعتراف ایتمشدر . آرتق بویله بی همتا برنادره جهان فصل اولورده شکل صوری یه باغلانیر وبلا رویه ظاهر پرست اولور قالیر ؟

ایشته لوازم و آتارینه ذره قدر آشنا بولمامسندن مستبان اولیورکه محرر غرضکار عقل وعرفان نه اولدیغنی فارق دکلدر . وبویله یکدیگرینه مناقض بولان صاحبه سوزلری (تاریخ حقیقی) زعم و ادعایله اورته یه سورمک جبارتنه اسیر اولان مترجم بی وایه نکده درکه ادراک وز کاسنه بشقه نمونه آرامغه احتیاج یوقدر .

« استقبال معیشیسی هیچ ده پارلاق اولمیان محمد (ص . ع) ازدواج تکلیفنی قبول ایتدی » فقره سیله ده طرف رسالتدن وقوع بولان قبولک (حاشا) فقر و احتیاج سائقه سیله اولسنه ایما ایدلمشدر . بودخی بویوک برانصاف سزاق ، حد ناشناسلقددر . حضرت خدیجه نک براز یاش کچکینلکندن باشقه بر قصوری یوق ایدی . بونکده مانع رغبت اوله حق درجه ده اولمادیغنی اشراف قریشدن اولان بوتون کنجیلرک مشتاق ازدواجی اولملرندن باشقه بعدالازدواج الی اولاد دنیایه کتیرمش اولمسیله امر آشکاردر .

سلطان انبیا افندیمر حضرتلرینک موافقت بیورملرنده مشار الیهانک حائز اولدیغنی ثروتکده بعض مرتبه دخلی اوله بیلیر . فقط اصل علت مؤثره وحکمت عالیه - خصمکده اعترافه مجبور اولدیغنی اوزره - اوصرده بوتون فضائل وکالاتی جامع اوله رق پیغمبر زوجہ سی اولمغه لائق خدیجه کبرادین غیر برقادین بولماسنه منی واقع اولان الهام وتأيید الهی اولدیغنده اشتباه یوقدر .

فی الحقیقه اومبارک قادین ابتدای وحی ورسالتده رسول اکرم افندیمرک الک زیاده دوچار حیرت اولدیغنی زمانلرده ابراز کمال فطانتله تخفیف بار اضطراب ایدمک سوزلر سویلر وتنبیرلرده بولنور ومؤخرأ سفهای ممکنک مخالفت واذالرندن ناشی قلب هایونلری بک زیاده محزون اولدیغنی هنگامده تسلی بخش اولمغه دوام ایدردی [فصل که ایلریده وبریله جک تفصیلات ایلہ تماماً تبیین ایدمکدر]

(دوزی) نک بیلہ « فقط محمد (ص . ع) اونک محبتنی محبتله قارشیلادی . حتی وفاتندن بک چوق زمانلر صو کرا دخی خدیجه نک فضائلی ثنا ایدردی واونک تذکاری ایچون وقت وقت بر قویون بوغازله یوق اتنی فقرایه تقسیم ایدردی » سوزلریله بو حقیقتی تسلیمده بولندیغنی قابل انکار دکلدر .

شفاء شریفده مسطور اولدیغنی اوزره رسول اکرم افندیمر حضرت خدیجه ایچون ذبح ایلدیکی قویونلری مشارالیهانک خایله لرینه ، دوستلرینه واقرباسنه کوندیردی وکندیسنه مأکولاته دائر بر هدیه تقدیم اولندمده اظهار ممنونیتله برابر « بونی فلاحجه قادینک خانه سنه

کوتوروک . او قادین حضرت خدیجه نک اصدقاسندن ایدی » بیورورلردی .

حضرت خدیجه نک همشیره سی هاله « رض » حضور رسالتناهی یه داخل اولدجه بک زیاده حرمت کوروردی . کذلک حضرت عائشه « رض » روایت ایدیوردی که بر کون بر اختیارجه قادین حضور پیامبری یه کلوب بک زیاده مظهر احترام ، حال وخطابینی استفساره دایر اهتمام بیورلدی ، اچیققدن صو کرا ده « بوقادین حضرت خدیجه ایامسنده خانه مزه کلیردی » افاده سنی متعاقب « وان حسن العهد من الایمان » حدیثی شرفورود ایلدی . معنای شریفی : « حسن عهد ، حقوق قدیمه یی حفظ وتعهد لوازم ایماندندر » .

حضرت عائشه صدیقهدن نقل ایلدیکی قصه یه ده (دوزی) جنابلری مناسبستیز سوزلر قاتمش ، مهم تحریفلر ایقاع ایتمشدر . بونک طوغروسنی بروجہ آتی الحاج محمد ذهنی افسدی برادر مزک « مشاهیر النساء » نام کتاب بی نظیرلرندن عیناً نقل ایدیورم :

حضرت عائشه افندیمردن مرویدرکه رسولاه [صلعم] هروقت خدیجه یی ثنا بیوروردی . بر کون ینہ ثناء جمیل ایلہ یاد بیوردفلرنده بکا غیرت « قصه قاتمق » عارض اوله رق « خدیجه بر پیره زن ایدی . جناب حق اوندن خیرلیسنی سزه ویرمشدر » دیدم . جناب رسالتک بوکا جانلری صقیله رق « لاوالله ! اندن خیرلیسنه نائل اولمامشدر : بوتون خاق کافر ایکن او مؤمن ایدی . ناسک بی تکذیب ایتدیکی هنگامده او تصدیق ایتدی . هرکس محروم بر اقدینی وقت او بکا مالیه مواسات ایلدی . جناب حق بکا اوندن اولاد احسان بیورردی » بیورملریله کندی کندیمه بوندن بویله خدیجه یی سوء ایلہ یاد ایتیمیم دیدم بیورمشدر . افادات آتیده ده او کتابدن مقتبسدر .

حضرت خدیجه زوجات طاهراتک اولی وافضلی اولدیغنی متفق علیہدر . سیدالثلثین حضرتلریله اقترانی جلهدن اول اولدیغنی کبی نبوت ووحدانیتہ ایمانی ده هرکسندن اقدیمدر . احراز شرف اسلامده ذکور وانانندن هیچ بر فرد کندیسنه سبق ایدمه مشدر .

یکرمی دوت سنه وبر قاج آی اول ماه برج عصمت حضرت نیر رسالت ایلہ قران اوزره اولوب بعدہ افق عقبایه کچمشدر . (رضیاه عنها ونفعنا بشفاعتها)

حکمت وتصوف نقطه نظرندن باقرق خدیجه الکبرانک علویت وقدسیتی کلامی ایسته ین ارباب عرفان مبعوث محترم عبدالحمیدزهرای افسدی حضرتلرینک مجله المنارک ۱۲ و ۱۳ سنه لرینه عائد نسخہ لرینه درج ایتدردیکی مقالاتی مطالعه بیورسونلر . مقالات مذکورہ یکرمی فصلی محتوی اولوب بویوکبر کتاب تشکیل ایدمک جمعه در . وحی مباحثنه واصل اولدیغمز انشاده نشاء اورادنده بعض حقایق عالیہ اقتباس ایدمکدر . ومنه التوفیق

مناسترلی اسماعیل حق

